

SFO- VEDTEKTER - SKULEFRITIDSORDNINGA - FRÅ 01.02.2022

§1. EIGARTILHØVE

Klepp kommune eig og driv skulefritidsordningane i kommunen.

Skulefritidsordningane skal drivast etter dei retningslinjene som Hovudutval for barn og unge har vedteke. Skulefritidsordningane skal tilfredsstilla dei krava som kjem frå sentralt hald i opplæringslova § 13-7 og §9a. SFO skal også drivast i samsvar med krava til helse, miljø , tryggleik og internkontroll.

§2. FORMÅL

Skulefritidsordninga er eit frivillig omsorgs- og fritidstilbod utanom den obligatoriske skuledagen for barn på 1.- 4. trinn og for barn med nedsett funksjonsevne/ særlege behov på 5. – 7. trinn.

Skulefritidsordninga skal leggja til rette for leik, kultur- og fritidsaktivitetar med utgangspunkt i alder, funksjonsnivå og interesser hos barna. Skulefritidsordninga skal gi barna omsorg og tilsyn. Barn med nedsett funksjonsevne skal givst gode utviklingsvilkår. Areal, både inne og ute, skal vera eigna til formålet (Opplæringslova §13-7)

Nasjonale rammeplaner blei innført i august 2021. Rammeplanen er ein del av lovverket og gjer felles nasjonale føringar for SFO.

§3. ANSVARLEGE STYRINGSORGAN

1. Hovudutval for barn og unge er ansvarleg styringsorgan for skulefritidsordningane i Klepp kommune.
2. Skulefritidsordninga er administrativt knytt til kvar skule. Rektor har det overordna pedagogiske, økonomiske og administrative ansvaret ved den einskilde skule. Leiar for skulefritidsordninga har det daglege ansvaret. Samarbeidsutvalet/driftsstyre er skulefritidsordninga sitt styringsorgan .SU/driftsstyre kan ikkje gå utover dei retningslinjene som Hovudutval for skule og barnehage har vedteke.
3. Det skal veljast ein/to foreldrerepresentantar . Ein av desse skal vera med i FAU.

§4. OPPTAK

Felles søknadsfrist for SFO i Klepp er 1.mars. Søknad om plass skjer elektronisk.

Alle som søker innan fristen får plass. Søknadar som kjem inn etter fristen blir behandla så raskt som muleg.

Barn som får plass, har plassen til den blir sagt opp, eller til eleven går ut av 4. trinn.

Skulefritidsordninga skal også gje eit tilbod til barn med nedsett funksjonsevne/ særlege behov på 5.-7.trinn.Skriftleg søknad må sendast rektor innan1.mars det fjerde skuleåret. Dette er eit tilbod til elevar med nedsett fysisk eller psykisk funksjonshemming. Tilbodet er gratis.

§5 OPPSEIING/ENDRING AV OPPHALDSTID

Skulefritidsordninga har ein månads oppseiingstid. Det gjeld og for endringar i opphaldstida. Oppseiing og endring av opphaldstid gjeld frå den 1. i kvar måned.

1.mai er fristen for å gje melding om at ein ikkje skal ha SFO-plass neste skuleår. Ved oppseiing av plassen etter 1.mai må det betalast ut august månad. Oppseiing av plassen må vera skriftleg.

§6. BETALING

Betalingsstatsane blir fastsette gjennom politisk vedtak. Prisane blir regulert ein gong i året.

Tilbodet gjeld for 11 månadar, og betalinga skjer for heile august og heile juni, sjølv om barnet startar seinare i august eller sluttar tidlegare i juni. Ein kan velja mellom eit opphald på 2, 3, 4 eller 5 dagar i veka. Det blir betalt for heil dag, uavhengig av opphaldstid.

Matpengar kjem i tillegg.

Det er muleg å kun velje morgontilbod.

Betalingsfrist er den 15. i kvar månad. Det skal betalast om barnet har fråvær. Uregelmessig betaling fører til at barnet mister plassen.

Ved for sein henting (ved stengetid), vil det først bli gitt ei skriftleg melding av SFO-leiar. Frå og med 2.gong for sein henting blir føresette fakturert for kr.200,- pr påbegynt halvtime

Redusert foreldrebetaling

- Nasjonal ordning for 1. - 4.klasse:
 - Dersom makspris er høgare enn 6% av samla inntekt til hushaldninga, skal ein ha redusert pris.
- Betaling for mat kjem i tillegg.

Meir informasjon og søknadsskjema finn du på kommunen si heimeside.

§7. OPNINGSTID

SFO-året er frå første virkedag i august og ut juni månad.

Opningstida er frå kl.07.00 til kl.16.30. Morgontilbodet frå kl.07.00 og til skulestart er basert på sjølvfinansiering og blir bare gjennomført dersom det er nok brukarar.

SFO har stengd i juli månad, julafta og nyttårsafta. Onsdag før påske stenger SFO kl.12. SFO har stengt 5 dagar i løpet av året på grunn av planleggingsdagar for personalet.

For einsskilde skular kan det vera aktuelt å samarbeida om ferietilbodet.

Elevar 1.trinn: Foreldra kan velga SFO eller barnehage frå 01.08. og til skulestart.

Når det er ønskeleg og forholda ligg til rette for det kan den enkelte SFO kunne tilby sommar- SFO/ferieklubb (avhengig av personalsituasjon og etterspurnad). Det er ein føresetnad at elevane har hatt 3 veker samanhengande ferie.

§8. BEMANNING

Ved nyttilsetting skal fast tilsette leiarar av skulefritidsordningar ha minimum treårig høgskuleutdanning.

Økonomi, opphaldstid, gruppesamansetting, totalt elevtal og andre faktorar må leggjast til grunn for grunn for bemanningsnivået. Grunnbemanninga skal i hovudregelen vera 10-14 barn pr. vaksen.

Bemanninga bør styrkast dersom elevar med funksjonshemmingar/særlege behov har plass i skulefritidsordninga.

§9 FORSIKRING

Barn i SFO er kollektivt ulykkesforsikra.

§10. VEDTEKSENDRINGAR

Endringar i desse vedtektene krev vedtak i Hovudutval for barn og unge.